

على عيوني تمر      صورته كله ادم  
تخلي خاطري      يشعر الندم  
وعيني بالوجع تذرف مصايب  
ودلالي ابفجعة والله ذايب  
انظر للأخو      وحننه يشتعن  
ينظر للقمر      وبالله منشعن  
واشوفه تهمني من عينه المآسي  
وعلى قلبه جرح بالحسره راسي

يمه ادني والمدام مني سايله      واسأله شلي في قلبك خويه سايله  
ساعه تنظر للمخيم ساعه للفله      خويه خبرني شتخبي عني من بله  
انا اختك دمعي يمك صعبه ينهمر      وادري لو احزن فؤادك والله ينكسر  
وانته لو تحزن يخويه اذرف العمر      ياللي شلتك محل قلبي داخل الصدر

احبي لييه      تدري بييه      بالأخو احاتي  
ماهو طبعك      تخفي دمعاك      يا عطر حياتي

دمعتج بيت علي      تصعب اعلى قلبي      خفي نوحج وسمعي يختي يالوديعة  
يختي مني اتقربي      وانظري المخيم      باجر بعينج تشوفي منظر الفجيعة

بين الصدر يشتعن      لهيب الجرح      يضنوة علي  
من وين إلج ابدي      مآسي شكثر      عقب مقتلي  
صعب ينشرح      اعلى قلبج تمر

يا الوديعة      باجر المصايب  
بالترب صريعه      تنظري الحبايب  
من عالشريعه      وكافلج يزيب  
يا وسف قطيعه      يوقع وچفوفه  
حننه نجيعه      وتنظري لجاسم  
حالتة صديعه      ولكبر بدمومه  
وأقسى من فجيعة      والأشد يحورا  
ينذبح رضيعة      خيج اعلى صدره

تنظريني في عاشر وحدي بين العساكر ما إلي يختي ناصر

### والحبايب عالترب ويلي صريعة

وانا حابر بأمرى مو دمع دمي يجري بعينج انتي تنظري

### شلون ظهري منكسر جنب الشريعة

والمصيبة لمن المهر يرجع إلج وينادي بالظليمه  
وانا عالترايب اظل يابت علي ومصيبتي عظيمه

يجري دمي بالحزينه وانتي تمشي بالظعينه  
والأشد لمن تصيحي خويه بالحسره انولينه

والله يصعب أه يزينب راسي يمچ تنظرينه  
عالرمح بدمومه ينزف والأعادي شيايلينه